

7 5350/3934b(1)

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAY 14 1932 COLLECTION LIBRARY

FROM HARV. YING INSTITUTE

JUN 28 1932

宗正簡公文集序

其垂若時誠忠簡公固鑿諸疏義之

及時方錄兵籌餉武曰安得名將若

忠簡者片楮名數百萬人所向無

前固憂國之及隨蒙忠簡邑里大索

家進大哀之作而曰宋之竟為南宋

宗忠簡公文集序

序
大學
哈佛
燕京
書館
珍藏
印

書
卷
之
序

曩垂髫時讀忠簡公回鑾諸疏義之
及時方籌兵籌餉或曰安得名將若
忠簡者片檄號召數百萬人所向無
前罔憂匱乏及隨牒忠簡邑里大索
厥遺文哀之作而曰宋之竟爲南宋

也。豈盡氣數哉。有式忠簡不能用。方公自舉進士。義不苟合。力距巫風。節夷羈削。暨召假宗正少卿。抗章不受。和議使之稱。改知磁州。繕垣簡器。廣儲蒐師。及康王使虜。公叩馬力諫。假神意以挽行輅。金人破真定。公奉詔

從王入援。公十二戰皆捷。所發蹤無不成功。金人至驚悼。不敢復出。時如有乃心王室者。奮勢願與公偕。則恢弘朝氣。邀擊惰歸。二帝之轅。豈其北哉。康王纘服出。公輓輅之餘。非公也。疇心膺者。乃膺于汪伯彥。黃潛善之

阻。竟外老謀于青州。用賢而貳。本計已愆。李忠定爰立也。念恢復故都。非公莫可與計事者。徒知開封。公內修守戰。外規進取。先後收王。善楊進輩。請軍寇剽革心。孚爲義勇。操縱群雄。如制僕役。臨驍敵。受降人。斬逆使。疑然獨斷於厥衷。卽弋軍皆驚。弗爲動。又識岳武穆於小較。拔任爲軍鋒。河北懾公威。信仰王師。如百穀仰膏雨也。高宗若久任忠定。帷幄間而闡以外。一委之公。俾武穆左右焉。河北可以復版章。乃私意。恒疑。惟淵聖復辟。

是慮優柔不決策。安坐小朝廷。得公二十四疏。若網聞知。忠定武穆亦皆疏棄。嗟乎嗟乎。此所云吾謀適不用耳。誰謂秦無人哉。昔在殷王高宗。念宏茲賁。欲濟厥艱。乃咨于傅說。曰若濟大川。用汝作舟楫。說廸於王。惟甲

冑起我。惟干戈省厥躬。卒能奮伐荆楚。濯濯厥靈。忠簡志傅說之志。而宋之高宗不殷匹。南宋不復北也。有以哉。雖然。藉第令時無英雄。虜騎且長驅矣。又安得有南宋公之功業。豈不亦偉哉。觀公集中詩。詞感慨聲出金

石。戔。序。懇。款。有。體。裁。咸。忠。義。所。奮。發。
不。獨。回。鑿。諸。疏。之。剴。切。沈。雄。也。或。疑。
公。曰。在。戎。馬。間。誅。討。斷。斷。顧。爲。竺。乾。
家。言。深。入。各。理。卽。遠。公。支。公。未。能。過。
何。哉。余。觀。公。每。當。大。事。霆。迅。風。烈。見。
者。怖。若。鬼。神。而。公。直。恬。然。出。之。匪。獨。

神。勇。其。所。養。蓋。可。知。矣。諸。葛。武。侯。寧。
靜。淡。泊。重。扶。炎。曦。卽。此。志。也。回。鑿。疏。
與。出。師。表。爭。光。日。月。文。章。信。載。道。之。
器。哉。

崇禎庚辰冬進賢熊人霖謹序



重刻宋宗忠簡公集小序

余生乎以詩後未見書為幸

間溢態伯甘水部案頭見宋

忠簡文集後未終篇輒拍案

長歎何天之不祚宋也天既蕩

生聖賢其家傑忠昭日月為象
古今胡然坐困不罕又捐我
齋志而後依今用其身躬其
志糾合文武濟之趨之同心戰
力雪二帝沙漢之恥恢禹河

已去之業及學百年三復四
寢重世四疏不為一字一淚者必有
胸多心人也雖今者塞棄迥
殊然時方多壘治病於未病
不可後此書非射症之家湯

付歆厥以廣同好義忠管
之運用神妙及商討里原事
分各部學之小言得矣安
用贅為偶舉以孫大將軍
文輔校堂刻資稱賞不已

欣然松三費之半因得益書
其可謂秦之名人乎

新安後學黃正賓



宗忠簡集凡例

一按公生平恬澹，不嗽名嗜進。其澤州輓輅爲高宗首功，而功不盡酬。及李忠定再薦，乃得畱守，亦未行盡其志。朱晦翁序忠定奏疏云：豈天之愛人，有時而不勝夫氣數之力。抑亦人事之感，或深或淺，而其相推相盪，固有以迭爲勝負之勢，而致欬歎。余於忠簡亦云。

一按公墓在鎮江，而故里在義烏之二都子姓。

宗忠簡集
散居其居五都之花溪者冒姓金氏先賢之
後奈何冒綿綿葛纍之譏哉急議收復可也
吾南昌亦有宗姓者相傳皆公裔云

一按邑中公裔奉祀者在二都而花溪十八世
孫維摩守煥以前邑令張公維樞命刊其集
于家以之板燬于火煥之子諸生維垣能讀
父書巾篋中猶藏一本半已蟬蝟蠹腹中矣
余竊爲訂刻庶格人之言昭揭日月使讀者

聞風而興廉立之思也

一按公回鑾疏通表奏劄子二十有四今仍舊
以類分而小註係第幾次從文體也詩詞清
壯序記雅馴有德有言諒哉吉充片片皆珍
更爽可刪提要鈎玄存乎點注雜錄群賢論
議及公家乘軼事附之簡端徵文考獻庶鴻
集之大全哉

崇禎庚辰冬伯甘人霖識

宗忠簡集附刻雜錄

忠簡家藏宋勅劄

朕惟欲求臣之忠蓋必先崇其爵秩庶得其讜論以盡輔弼之誠爾宗澤登名進士歷任御史中丞功及社稷薦歷歲久今特陞宗政少卿廉充副元帥所以彰朕報功之心爾當益勵厥志益修厥職可依前件奉勅如右牒到奉行右擬轉保副元帥宗澤准此崇寧元年十月十六日午時下

宗忠簡集
兵馬大元帥府伏見朝奉郎秘閣修撰權發遣磁
州等處制置河北義兵總管兵馬副元帥宗澤風
力敏強氣節英偉方時艱棘夙夜勵精招集民兵
豪傑爭附志存衛國義不辭難經營百爲各有條
敘老當益壯懋哉乃勲宜除集英殿修撰已具奏
聞去訖右劄附宗殿撰准此靖康元年十二月十
二日

都統制兵部郎中宗澤守鎮金人撫字民瘼黎庶

喪不念德口北關隘番胡聞其令名畏其威聲懼
不敢侵擾汝有佐朝護國之綱有推山塞海之志
設計勦殺法令肅然朕得江山鞏固放下心懷用
是親賜錄敕龍飛鋒劔表段旌旗扈從軍伍數萬
敕尚書兵部郎中進禦鎮汴爲統領都統元帥有
不聽調度者俱談刑斬不動奏聞治軍治民以仁
以德太平寧靜班師回朝故諭故敕垂惟欽哉右
擬轉保爲統領都統制兵馬大元帥宗澤准此建

炎二年二月 日

忠簡公諡辭

謹按諡法危身奉上曰忠正直

無邪曰簡

人臣任安危之寄，或齋志而未伸，國家厚終始之恩，有易名而殊，賜其須頌命，以厲庶士，具官宗澤，早負吏能，雅都時譽，逮艱危之際，乃不顧身，以羈勒之餘，遂叅佐命，朕既嗣承七廟，行撫萬邦，駐蹕東南，用應運會，惟留鑰勲衛之寄，紫微之居，勤勞

百爲忠勇一節，惠感衆士，威行兩河，將率扶義之師，以贊定傾之業，而大星遽殞，部曲瓦分，遺奏上聞，道路兩泣，國憂未艾，天意難忱，蓋祖逃尚存石，勒不敢爲寇，道濟已死，魏人頻歲來侵，自昔所嗟，于今乃見危身正直，合二義以尊名，垂光子孫，將十世而永賴，可諡忠簡，以慰英靈。

題宗忠簡家傳遺藏誥勅

宋 濂

青城妖稜連雲赭，犬犴在都龍在野，百年藝祖舊

可山萬騎長驅若水解。東京畱守一世豪。仰天雪涕風蕭騷。起扶白日焰河北。赤手欲障三秋濤。義旗憂天天為泣。四方猛士聞風集。自期徇國與神通。豈謂忠言反難入。披肝上疏畱至尊。乘輿不顧東南巡。拊床三叫大星落。非天棄宋良絲人。功業無成志可紀。古來英傑多如此。君侯心事漢武侯。偉氣英聲冠千祀。我來已恨生世遲。不得親觀忠勇姿。每過鄉邑髮猶豎。綸誥况是當時為。却憶前

朝司馬死。章蔡羣奸乘間起。國雖未亂政先亡。萬里蒙塵從此始。吁嗟黼輩真奴臣。賊君致寇肥其身。姓名汗眼尚欲嘔。君侯在位能無嗔。侯乎侯乎慎勿嗔。誰使彼奴操國均。君不見汴京禮樂正全盛。河南杜宇啼天津。

又

解縉紳

余少時每讀宗忠簡請高宗還京二十餘疏。及公臨薨諭諸將之語。未嘗不流涕沾襟也。公未薨時

招集羣盜聚兵積糧結諸路義兵連燕趙豪傑渡河克復指日可期嚮使公未薨而高宗還汴則公雖死而宋亦可復中原公不死而渡河克復高宗雖去之海上必復還汴然則公之連疏請還駕汴京其辭激切感之以二帝曉之以禍福公殆亦微知其將死歟或者以憂憤致疽發以死者殆未足以見公之心公是時年已七十矣憂不能忘而何憤之有公之平生忠精明哲服岳飛之善論兵使

宗穎之能得士皆賢哲之所尤難嚮使高宗能以穎代公以飛副之公死猶不死惜哉此勅乃公爲小人所擯斥時被虜時宰又王黼也公寶慶至今而賢子孫如經者又時出於人間公之憂君憂國小心忠恪氣象可想見故有以知其憂而爽憤也永樂癸未十二月廬陵解縉紳書

又

胡翰

忠簡公以宣和四季差監鎮五都酒務告命之下

門下侍郎王黼首署焉黼於是始拜少師與蔡攸童貫圖任國事內小人而外君子宋運方否之時也。維京既陷王業偏安於汜表百五十年之間人才用舍徃徃如此國之不競誰執其咎哉。洪武六年冬金華胡翰從公之八世孫曰經者獲觀是卷遂書以識其後。

又

蘇伯衡

右故宋宗忠簡公復官誥謹按公元祐六季季三

十六進士及第調館陶尉歷龍游膠水趙城令政和三年改官知掖縣差通判登州道士高延昭恃勢犯法公窮治之不少貸延昭至京師因林靈素訴公改建神霄宮不當公既乞祠而歸猶坐削權羈寘鎮汜寔宣和元年以四季郊恩敘復就差監鎮汜都酒務此則當時所被勅也六年除通判巴州事靖康二年御史中丞陳過庭等薦可臺職召赴闕假宗正少卿充和議使公奏名不正改其名

計議使議者以公剛方難合必不可屈徒死喪益
乃不遣行會選易河北帥守擢公直秘閣知磁州
加河北義兵都總管就遷秘閣修撰高宗以親王
奉使過磁公力止之朝廷卽授以天下兵馬都元
帥公爲副元帥暨高宗卽位南宮命公以龍圖閣
學士知襄陽府俄徙知青州又用尚書右僕射李
綱薦徙知開封府遂以延康殿學士爲京城留守
兼開封尹陞資政殿學士建炎二季秋薨于雒有

旨除門下侍郎御營副使依舊留守而遽以訃聞
詔贈觀文殿學士謚忠簡公先是公請休致特授
朝散大夫恤典行累進其階繇通議大夫至開府
儀同三司詩不云乎爽競維人若公者非所謂命
世之大材與方其盛年置之散地且踰兩紀以忤
一道士得奉用事者坐廢四年及河朔事勢危急
始舉磁以授之公年已六十八矣其受任居守也
二帝北狩高宗南巡於斯之時中原岌岌真如一

髮之線引千鈞之石臨萬仞之淵尙賴公雖老而奮然自必身任恢復之事夫何規模甫定功業垂成而時宰黃潛善汪伯彥忌之遇事輒從中沮之公不勝憂憤疽發於背而死及之茲非有志之士所爲太息流涕者耶公旣薨而來竟不復有中原矣豈人之無祿而天不怒遺也將不欲混一而遽摧之也於戲。喪亂之來必生撥亂之材以擬其後。公智略不世出天固生之。徽宗固不用之。高宗雖

用之。又不免以小人間之。是則公之吞志以沒。宋之偏安於一隅。其豈天運抑亦有人事焉。覽是誥者。未可直以爲足見一代之故事也。此誥行於宣和四季壬寅。後二百八十二年。爲今洪武六年癸丑。公八世孫經。重加裝池。且請其表兄蘇伯衡識。公削奪之繇。拜官伐之槩。以便觀者。而伯衡輒以夫所素慨者係之。寔是歲之十月二十日也。

弔忠簡公長篇

吳芾

嗚呼哀哉元帥公百世一人不易逢堂堂天下想
風采心如鐵石氣如虹正色立朝不顧死半生長
在謫籍中真金百鍊愈不變流水萬折歸必東落
落奇才世莫識欲知勁草須疾風維時中原丁禍
亂胡塵漲天天濛濛衆人畏縮公獨奮毅欲來建
中興功雄圖一定百廢舉獨見南陽起卧龍嗚呼
哀哉元帥公翩然遺世何怱怱無乃上天亦乏材
故促我公還帝宮公還帝宮應有用何忍坐視四

海窮嗚呼四海正困窮興仆植僵賴有公公昔居
東都天下日望公登庸公今旣云亡天下不知何
時康正如濟巨川中流失舟航當今士夫豈無人
請問誰有公器業誰如公忠良公雖不爲相德望
振要荒公雖非世將威稜讐豺狼偉哉奇節冠今
古我試一二聊鋪張靖康明季秋胡虜正披猖廟
堂驚失色愁覩赤白囊公首慨然乞奉使欲以口
伐定擾攘朝廷是時未知公公之素志不獲償憂

宗忠簡集
國耿耿思自效、再得守土河之旁、命下得磁州、翌
日徑束裝下車、未三日虜騎已及疆、虜人聞公亟
退舍、疋馬不敢臨城隍、頃之得兵數十萬、康邸賴
公王業昌、及公領留守北顧、寬吾皇恩威、兩得所
春兩兮秋霜、餘刃曾不勞、微弱成安強、姦雄盡膽
落、誰敢亂紀綱、嗚呼哀哉公死矣、民今安有粟得
嘗、犬羊乘我虛、近復陷洛陽、洛陽去東都、雉堞遙
相望、不聞敢侵犯、豈是軍無糧、祇畏我公霹靂手。

氣懾不復思南翔、嗚呼哀哉公已矣、秋高馬肥誰
與防、天子久東狩、去冬李維揚、都人心戀王、謂言
何相忘、朝夕望回輦、斷腸還斷腸、公獨以死請、百
請意愈剛、嗚呼哀哉公死矣、萬乘何時歸、大梁咄
咄食肉人、尚踵蔡與王、姦諛蔽人主、痛毒流萬邦、
人怨天且怒、意氣猶泔泔、所冀我公當軸日、盡使
此曹膏劔鉞、嗚呼哀哉公死矣、始知國疾在膏肓、
我公我公經濟才、設施曾未究、所長但留英聲與

身尺簡集
茂寔永與日月爭輝光。此死與公亦何恨。顧我但
爲天地傷。我聞天下哭公者。哀痛何啻父母喪。父
母生我而已耳。安能保我身無殃。都人此時失所
依。波迸東下紛蒼黃。我公我公不及見。秋風在處
生悲涼。百身倘可贖。我願先以微軀當。靈丹如可
活。我願萬金求其方。旁皇竟無起公計。安得長喙
號穹蒼。嗚呼哀哉元帥公。太平時節君不容。及至
亂離君始用。民之無祿天不從。嗚呼哀哉元帥公。

古來有生皆有終。維公存亡係休戚。千年萬口長
怨恫。嗟我草萊一賤士。念此抑鬱氣拂胸。衞哀忍
涕何有盍。願以此詩銘鼎鐘。

讀忠簡公遺事

黃潛

公初起滏陽。艱危屬多壘。蒼然國家意。委身于戈
裏。陰飈卷翠華。朔雪被南紀。悠悠虞淵日。力盡揮
不止。寅恭秉齋鉞。際會開朱邸。長安付馮異。漢業
中興始。宮庭數汎掃。蹕路無荆杞。疚心望鑾輿。感

宗忠簡集
激涕如水。上表方出師。嗚呼孔明死。宴安不可懷。
肉食毋乃鄙。巨舟竟未焚。三語猶在耳。蕭然舊祠
下。碧草垂堦。登堂挹允儀。赤舄仍几几。千載墮
淚碑。一夫敢殘毀。傳家有遺書。敘事非虛美。勗哉
慎失墜。庶以裨信史。

忠簡公畫像贊

吳伯宗

公之力。足以旋乾而轉坤。公之功。足以攘夷而安
夏。始以一言能反北。旆而南。還後以二十四疏不

能回南轅而北駕。且留鑰之任。方切而巧言遽入
於帝聰。渡河之志未酬。而大星已殞於中夜。何人
之於公。則知媚嫉。而天之於公。則不知假借。此有
志之士。百世之下。所以想英風而激昂。拜遺像而
悲咤也。

題忠簡公峴山遺壟

王 禕

艤舟大江口。矯首望京山。山色近目睫。洩雲護層
巒。吾鄉忠簡公。丘壟在其間。嗚呼靖康亂。九鼎紛

宋忠簡集
播遷建炎既南狩國事已艱難公方任社稷百戰
心力殫神州將金壁抗疏請回鑾大誼表日月衷
言披肝膽誰歟獨何心忍使弃中原星殞孔明死
王業遂偏安惟畱忠誠節宇宙垂不朽遺墳托茲
土孰敢樵牧干客途有程期喪絲拜荆管遺武卒
可蹈英風杳難攀天昏白日落淒然洒清潛

宋宗忠簡公集

始末徵

原序

樓昉

靖康丁未高宗再使幹離不軍時虜情叵測中外
危栗宗忠簡公守磁則決策留行於是適濟適鄆
適大名適睢陽遂登大寶中興之業實始基焉宗
公力也公之初意欲正位號係天下心因以羽檄
天下兵濟師河朔旋軫舊京其迂回宿留東南其

轍者乃汪黃謬計非公本謀也公既與汪黃異議不復預聞幕府事高宗藉其壯謀既畱命居旋升尹正駕御羣雄招降劇盜兵強士勇必立誅必虜連歲不敢犯境於是清宮除道謀還二聖奉迎大駕汪黃益忌之凡公奏請皆畱中不下自傷不得展布疽發背以死公之勲業雖不克竟而英寬毅鬼疇狀與日月爭光可也昉兒時固已得公芳規於四明所刊遺事中真所謂膽大於軀者意其語

言文字當亦稱是客授金華始獲拜公像公之曾孫有德出示遺文若干種因爲補綴而襲藏之適守南徐公松楸在焉會部使者喬行簡攝郡事築僧廬於墓左朔祠堂於學宮總餉岳公珂太守趙公善相繼命有德主蒸嘗所以風厲扶植之意甚厚郡博士方君符尤所鄉慕請以有德所授遺文鏤梓昉遂掇取遺事中所載表疏次第其日月而併刻之公前後奏請爲回鑾而發者凡二十有四

其血誠赤心。因可想見。它文雖單言半字。無非從忠義中流出。公亡而杜充代帥。王業偏安。蓋始於此。公之規模志節。罕有能道之者。况其遺文乎。若諸公表揚忠烈。例應得書。嘉定辛巳。十有二月。鄞人樓昉拜手書。

重刻序

張維樞

華川蓋忠簡公故里也。樞待置茲土。拜公祠下者。逾六春秋。每凜然神肅。日閱邑乘。讀公勸回鑾疏。

表白日寒而悲風蕭也。輒慨然憤懣。不能句。因從汝文君索藏草。倡梓汝文曰。宗煥之六世祖蓄千金。未復舊姓也。乃每世無念敢忘宗。相與抱遺書而泣。煥媿無能。允宗祀。卒大夫有意圖之也。敢不其後。樞既卒業。謹序曰。自昔豪傑之禎。入國也。豎而爲功。與甲冑異。不得已。宣之而爲言。與紳衿異。是其始也。莫不冥觀昭曠。酌窅天人。淵朕於玄澹之養。而洞朕於道德性命之奧。故一秉羽能開能。

格能攘能平。一按羽猶能以其匡定經緯之猷。爲訓若誥若雅頌。夫誰非天子之力臣。而兼詣如是良繇。元本邃也。三代斌斌。質有文武。嗣後登將壇者。鮮不慙德。斯文而獨南陽之梁父。不減有莘氏之耕。南陽之二表。不減有莘氏之訓。彼其處則寧靜澹泊。出則鞠躬盡瘁。鼎足雖分。三立何媿。嗟乎公之雅意南陽也。公自知之。發諸先進。若宋文憲之題公誥。王忠文之弔峴山丘隴也。亦雷狀南陽

許公矣。今觀夫畱守經略。準準節制。勸駕表疏。烈烈義膽。靜居記題。超超玄悟。甚矣公之似南陽也。樞謂豪傑不出世。不能擔世。不澹養。不能盡瘁。蜀道不玄悟。不能盡瘁。汴京有本者。言如是。武功亦如是。第公之瘁汴京也。比南陽更苦。當南陽出茅廬時。上結魚水。下駕熊羆。及末執始。鬱於仲達之甘。曳巾幘。公所事何主也。建炎狃偏安。而忍淵聖不轅。雖累表二十四疏。猶左徒之問天。此一苦也。

南陽鼓卽出。糧盡卽還。宮府中誰敢管窟。公外有
粘罕兀朮輩。百戰之桀虜。而內有汪黃二豎之鼠
狐。一手獨拍。疇爲喁和。苦二。南陽之許驅馳也。日
在場谷。神王氣舒。揮戈尚還三舍。公頭顱種種。始
提孱卒。摩堅壘。策夸父步。而馳菴嶷。雖心之長。何
及於髮。天宥以尚父鷹揚之季。假公不苦三。以是
三苦也。淚安得不枯。而背安得不疽。嗚呼。方事之
猶可爲也。其君相沈湎於花石聲色。公崎嶇一倅

車耳。迨二主蒙塵。肉食者羣拜虜不暇。公獨能壯
汴爲金湯。而撫楊進王善契。丹兒輩爲爪翼。臣有
白首備百瘁。不憂肝腦以衛社稷。君相忍掣之肘
乎。雖狀磁州之駕。公實挽之。武穆之命。公實活之。
誰挈天下半。還宋者公耶。公呼雖苦。公目可瞑。今
遺草具在。樞不遽訓誥雅頌。公直拊心而指曰。是
猶龍之喙。而氣吞逆胡之餘魄也。華川自不乏文
武夫。亦知所本乎。其人乎。此編狀後。可習俎豆而

行軍旅

萬曆乙巳仲春朔日溫陵張維樞序

傳

張維樞

公諱濬字汝霖母夢雷電紅光下燭寤而生公自幼有大志登元祐六年進士第調館陶尉歷龍游膠水趙城掖縣令著廉能聲改判登州時官田積荒賍輸公奏免之聞朝廷遣使結女真海上之盟公語所知曰天下自此多事矣居登執恣不可忤

道士得卒用事者丐祠歸復坐削羈置鎮江尋監鎮酒稅靖康元年朝廷議遣使和金以薦假宗正少卿充和議使公奏名不正改計議使衆謂公剛方難屈且徒死喪益不若付以河朔一要郡除直秘閣知磁州單騎就道至則治城池修器械廣儲蓄募敢勇爲必守計上言邢洛磁趙相五州各蓄精兵二萬敵攻一郡四郡皆應是一郡兼有十萬兵上壯之除河北義兵都總管高宗以康王再使

宗忠簡集
磁過金公迎謁曰肅王一去不還今敵又詭辭致
大王願勿行不從公乃假神以留之曰此有崔府
君廟甚靈可卜琰廟有馬是夜果銜車輦等物塞
去路公曰此可見神意矣王乃止金人破真定有
詔以澤爲副元帥從王起兵入援公言宜急會兵
李固渡斷敵歸路京城遣齋蠟封至言和議可成
公曰金人多譎是欲款我師耳君父望援何啻饑
渴宜急引軍直趨澶淵次第進壘解京城之圍萬

一敵挾異謀吾兵已在城下汪伯彥等難之勸王
遣公先行自是公不得預幕府議矣二季正月公
至開德十三戰皆捷金人來攻公遣孔彥威與戰
敗之公度金人必犯濮先遣二千騎往援金人果
至又敗之金人復向開德權邦彥孔彥威合兵夾
擊又大敗之進至衛南先驅云前有敵營公揮衆
轉鬪王孝忠戰歿公下令曰今日進退等歿不可
不歿中求生士卒知必歿森不一當百斬首數千

計金人敗却公計敵衆什倍我一邨鞬必復來使
悉其鐵騎夜襲危矣乃夜設伏金人復至得空營
大驚自是憚公不敢復出公覘金人逼二帝北行
卽提軍趨滑走黎陽至大名欲徑渡河據金人歸
路邀還二帝而勤王兵喪至者又聞張邦昌僭位
欲先行討乃還軍上書康王勸進建炎元年五月
康王卽位南京公入見涕淚沾臆陳興復大計上
欲留公潛善等沮之除龍圖閣學士知襄陽府改

知青州時金人有割地之議公上疏其略曰自金
人再至朝廷未嘗命將出師但聞邪臣朝進一言
以告和暮入一說以乞盟終致二聖北遷宗社蒙
恥臣意陛下赫怒大明黜陟再造王室今卽位四
十日矣未聞有大號令但見刑部指揮云不得膽
播赦文於河之東西陝之蒲解是褫天下忠義之
氣而自絕其民也臣雖駑怯願躬冒矢石爲諸將
先公時季六十九矣李丞相綱薦公可大用徙知

開封府時敵騎屯河上金鼓聲相聞京城樓櫓盡廢民兵雜居盜賊縱橫公至首捕誅舍者數人下令曰爲盜者賊喪輕重並從軍法繇是盜賊屏息民賴以安河東巨寇王善擁焮七十萬車萬乘欲據京城公單騎馳善營曰朝廷當危難時使有如公一二輩豈復有敵患乎今日乃立功之秋不可失也善感泣曰敢不効力時有楊進號沒角牛兵三十萬王再興李貴王大郎等各擁衆數千往來

侵掠公悉招降之金遣人以使僞楚爲名至開封公曰此實覘我拘其人乞斬之有詔延置別館公曰國家承平二百年不嚴攻討之計其有實欲買勇敢愾者士大夫以爲非狂則妄前鑒不遠今金人假使僞楚來覘虛寔臣愚乞致斧鉞而陛下惑人言令遷別館優待臣愚不敢奉詔以彰國弱上乃親札諭遣真定懷衛間敵兵甚盛公渡河約諸將共圖恢復於京城四壁各置使領新集兵立堅

壘二十四所于城外沿河鱗次爲連珠砦結河東河北忠義民兵於是陝西京東西諸路人馬咸願聽節制秉義郎岳飛犯浚將刑公見奇之曰此將材也會金人攻汜水以五百騎撓飛大敗金人還遂陞統制公謂飛曰爾勇智力藝古良將不能過然好野戰非萬全計因撓飛陣圖飛曰陣而後戰兵恣之常運用之妙存乎一心公是飛言飛繇此知名公視師河北還上疏不報復抗疏言國家結

好金人當時固有順旨叨富貴者亦有不相詭隨獲罪戾者陛下觀之昔富貴者是乎獲罪戾者是乎今之言遷卒猶前言和議可行者也惟陛下熟思兀朮渡河謀攻汴諸將議斷河梁自固公笑曰去冬金騎突來正坐斷河梁耳乃命步將劉衍趨滑劉達趨鄭分敵勢戒諸將極力保河梁以俟大兵金人夜斷河遁去二季金人自鄭抵白沙密邇汴京都人震恐僚屬入間計公方對客奕碁笑曰

何事張皇劉衍輩在外必能禦敵乃選精銳數千繞敵後金人方與衍戰伏兵起前後夾擊金人果敗羣盜丁進降引部屯京城往謁公諸將請以甲士衛公曰正當披心待之耳及進至慰勞如故吏翌日請公詣壁公許之進益感與金將粘罕據西京與公相持公遣步將李景良闔中立郭俊民領兵趨鄭遇敵大戰中立死之俊民降景良遁去公捕景良斬首以殉既而俊民與金將史姓者及燕

人何仲祖等持書來招公公數俊民曰汝失利死尚爲忠義鬼今反爲金人持書何面目見我乎謂史曰汝爲人將不能以死敵我乃欲兒女子誘我乎並斬之謂仲祖本吾宋人脇從而來豈得已縱之諸將皆服王策者本遼酋爲金將往來河上公擒之解縛上坐爲言契丹本宋昆弟國今女真辱吾主又滅而國義當協謀復讐策感泣公因是盡得敵虛寔遂決計大舉先是部將趙世隆殺所委

署磁州事李侃。至是世隆與弟世興將三千人來歸。公語世隆曰：河北陷沒，吾宋恣令上下之分，亦陷沒耶？命斬之。時衆兵露刃于庭，世興佩刀侍側。左右皆懼。公徐語世興曰：汝兄犯法，當誅。汝能奮志立功，足雪恥。世興感泣。會滑州報至，公謂世興曰：試爲我取滑。世興欣然受命，遂得州歸。時有降寇趙海屯板橋，鬻芻者八人。公知名海，海以甲士五百自衛入。公方對客，海具狀，卽械送獄。客曰：彼

甲士甚衆，姑徐之。公笑謂其次將曰：領衆還營，明日誅海於市。見者皆慄。楊進王善各率所部相拒。天津橋公出片紙論曰：赤心爲國，固如是耶？當戰陣立功時，勝負自見，何苦爲二人慙退？公威聲曰：著北方甚尊憚之言，必稱宗爺。時契丹人多來歸。公選契丹漢兒自近，諭以共滅賊，雪恥行卽給資糧。賜公憑，埃官軍渡河爲信。又爲榜文，散示陷沒州縣。爲公據付中國被虜河北之人。公知事可舉。

故請回鑾。尤力辛卯上奏曰：臣欲乘此暑月遣王彥等取懷衛濟相等州，遣王再興等自鄭州直護陵寢，馬廣等自大名取洛相真定，楊進王善丁進李貴等各率所部並進。旣渡則山寨忠義之民響應，不啻百萬。契丹兒亦必同心殲殄，乞朝廷遣使聲言立契丹天祚後，講舊好以攜虜情，遣知幾辨博之士西使夏東使高麗，諭以禍福，協力掃蕩。如此則二帝有回鑾之期，兩河可安帖矣。願陛下早

下還京之詔，慰中外將士望。疏入，不報。公前後請還京二十餘奏，皆爲潛善等所抑。因疽發乎背，諸將入問疾，公矍然曰：吾以二帝蒙塵，積憤至此，汝等能殲敵，我死無恨。衆皆流涕。諸將出，公嘆曰：出師未捷身先死，長使英雄淚滿襟。翌日風雨晝晦，公遽呼過河者三，而卒。都人號慟，三學之士千餘人爲文以哭。公子頴居幕，素得士心，自公卒數日，將士屯者十五，都人請以頴繼父任，會命杜充爲

開封尹東京留守充盡反公所爲頓屢爭之不得
乃請持服歸自是豪傑憤惋聚者復公爲盜充竟
降金而中原不守維樞曰公不填開封宋不得南
公不死宋不終南公真社稷上臣哉識者謂公累
疏勸迎二帝似未料建炎之隱良是第此乾坤何
等時也縞素一局強項奪魄倘公不聲迎復不勸
回鑾何以挫金銳而振忠義鬱憊之氣朕亦孰非
天也和議汪黃陰生之而公空灑淚賊檜堅持之
而武穆至碎身家主寔有父兄忍委沙漠於二長
城何有公以半壁天下還宋天以全軀還公幸矣
樞從公裔方州君得梓遺草始知孝烏諸先輩忠
義固有種也

附錄

李忠定公建炎進退志云余薦宗澤於上以爲留
守非澤不可澤浙東人自爲小官卽卓犖有氣節
敢爲不詭隨于世以故屢失官靖康間知磁州上

以康邸持節使虜中。聘金人已再犯河北。澤力挽留。以爲不可行。其後有元帥之命。遂卽大位。澤之功爲多。同列忌之。譖毀百端。不得留府中。旣而除知襄陽府。余到行在。澤適至。與語。衮衮可聽。發於忠義。至慷慨流涕。故余力薦之。上笑曰。澤在磁。凡下令一切聽于崔府君。余歎曰。古人亦有用權。徒假于神以行其令者。如田單是也。澤之所爲。恐頭於此。京師根本之地。新經擾攘。人心未安。非得人

以鎮撫之。不獨外寇爲患。亦有內變可虞。使澤當職。必有可觀。上許之。乃除延康殿學士。知開封府。兼留守。澤至京師。果能彈壓撫循。軍民與慶。修治城池樓櫓。不勞而辦。屢出師以挫賊鋒。雖嫉之者。淡竟不能易其任也。

熊人霖曰。宋高宗得稱中興也。宗李二公柱石哉。二公天資剛茂。學力靜深。其了達承當。非凡所見。故皆能應大變。定大難。處大疑。人以為烈風猛雨。

迅霆之交施而二公意思安閒。指措不差黍累。昔韓魏公未嘗以膽許人。范文正公獨以天下爲已任。夫任所果者膽也。膽所定者識也。識所淵者學也。讀二公集則二公之所養可知矣。忠定集曩抄本在秘府。近建寧尹皖城三山左公始發厥裔。李生嗣玄之藏而剖之。余友筠州五湖黃君西昌初仕戴君緘。寄余署中。余拜手長讀。信二公之出處天實爲之。而喜二集之並出于時。足以堅任士之

骨也。韓范宗李將無同忠。定有哭忠簡詩一章。惜刻中僅有其目。嗣當從左公訪補。今採忠定品題。忠簡者於此。古人聲氣之投。豈曰借交引重哉。有君臣而後有朋友。聖賢之所以立倫也。

宗忠簡公文集目錄

卷之一

上大元帥康王劄子 條畫四事劄子

奏乞過河措置事宜劄子

大元帥府勸進第二狀

乞大元帥於南京開府狀

信王咨目 奏乞依舊拘留虜使疏

條畫五事疏 再奏乞修寶籙宮疏

宗忠簡集
乞都長安疏

奏給公據與契丹漢兒及被虜之民疏

乞回鑾前後計二十八疏

卷之二

賀康王卽位表

聞車駕將還闕賀表二

乞回鑾計四表

遺表

謝親札令縱遣虜使表

除京城留守兼開封尹謝賜對衣金帶表

謝降詔獎諭表

謝中使傳宣撫諭表

謝出榜諭都人表

謝除資政殿學士進階朝奏大夫表

謝賜對衣鞍馬表

謝宣諭并賜茶藥表

卷之三

賢樂堂記

義烏滿心寺鐘樓記

重修英惠侯義濟廟記

義烏景德禪院新建藏殿記

宗忠簡集
二
銘

宗汝賢墓志銘

葉處士墓志銘

陳公墓志銘

陳評事墓志銘

卷之四

求教書

上鄭龍圖書

上王提刑書

上李丞相書

與總管趙野約入援書

與宣撫范訥約入援書

與知興仁府曾楸約入援書

卷之五

撫松堂賦遺王居士

古楠賦 有序

五言古詩

東上辭松楸

感時

謁華嶽

五言律詩

兩晴渡關二首

過潼關

題驄馬瘦

五言絕句

題盤豆舖南李翁園

六言

題趙園

七言古詩

道逢散卒述懷

七言絕句

曉渡

華陰道中

至洛

華下

馬上口占

蚤發

卷之六

寧國長老語錄序

麻衣寺瘦佛画像贊

題珣師休牧軒頌

告金天廟文

請寧國再開堂疏

請海長老住蘇溪崇德疏

請舉老住滁州寶林

為華州延請畫老疏

千手眼大悲偈

覽鏡偈

盧行者偈

佛說偈

法華經
華州延清書院疏

千手經
大慈佛
疏

虛行者
佛說佛

